

Nikwisa Uko Tuya Panuma Ya mfwa?

Yohane 14:1-3, “Imitima yenu isakamikwa: tetekeleni Lesa, tetekeleni naine pamo. Mu ng’anda ya kwa Tata mwaba apakwikala apengi: acikanaba ifi, bushe nga nalimwebele. Nati ndeya ku kumupekanishisho bwikalo. Kabili nga naya no kumupekanishisho bwikalo, nkesa kabili, no kumupokelela kuli ne mwine: ukuti eko ndi, eko naimwe mukabe.”

Twalishiba ukutila umuntu alingile ukufwa, kabili panuma ya ici ubupingushi (Abahebere 9:27-28). Imfwa te cintu icakosa. Bupingushi panuma ya mfwa; cilya e ciputulwa icabipa. Kabili kulya ifyo mwacita no bumi, **kabili ifyo mwaongola bambi, imwe mukesa asukilapo pali cena bulya bushiku (11 Abena Korinti 5:10-11).**

Cipulemo ifyo tulingile ukufumyapo icafina conse no lubembu ulwalambatila ifwe, pakutila twingabutuka no mukosha ulu lubilo ulwabikilwa ifwe, ukulolekesha **teku** cisumino, ku cilonganino, **ku muntu umbi, lelo kuli Yesu Kristu, uyo uwaba Kelenganya kabili kawaminisha wa citetekelo cesu (Abahebere 12:1-3).**

[1]

Yesu atile, “Ndeya ku kumupekanishisho bwikalo, pakutila kuntu ndi, kulya naimwe mukabe.” Yesu, e ico kanshi, aleeba abasambi Bakwe **ukutila ubu bumi tabupwila mu mfwa.**

Nomba, ukusosa ili lyali lisambililo lya mfwa...Imfwa ili fye kuntanshi yesu, kabili tatwishibe nga cakutila kuti kwabako bamo muli cino cikulwa muno bushiku tabafume muno aba mweo muli ubu bumi bwa

kumubili. **Filya efyo cili icakutwishika.** Ama miniti ukutula nomba kuti caba ni ulyo mwaice, uwa bumi butuntulu, abantu abacaice muno mucikulwa kuti baba icitumbi, mu ma miniti yasano ukufuma nomba. Cilya cishinka. Kabili nacimbi kuti caba mu ma miniti yasano ukufuma nomba, ifwe bonse kuti twaba mu bukata. Ifwe tatwishibe fye. **Cilya cili mu maboko yakwa Lesa.** Yesu atile Ena taishibe Umwine ilyo ilya nshita ikaba, lelo cilya cali mu maboko yakwa Tata eka.

Nomba, **lelo Ena alebeba ukutula panuma ya mfwa kwaba Umweo. Pa mulandu “Ndeya mukupekanya ubwikalo,”** cilya cili, ukubapokelela, cilelangisha ukutula kulya, Ena alelanda kuli bena, **ukutula kwaba umweo panuma ilyo ubu bumi bwapwa. Kabili ifyo cilingile ukuba icakusansamusha cilingile ukupela ifwe bonse ukwishiba ukutula panuma ilyo ubu bumi bwapwa. Kwaba ubumi ubo tuyako.** Kabili ilyo muleya mulekula, cilya ciisa mukuba icituntulu nganshi kuli imwe. Ilyo muletendeka ukumona inshiku sha bumi bwenu ukupalama, lyena mulatendeka ukuipekanya ukupalamisha, **ukuityanya kuli cilye icintu icikalamba.** Kutwalilila ukwa ubu ubumi bumo bwine mu calo cimbi, incende imbi. [2]

Nomba, mwamona, tacipanga ubupusano ubuli bonse ngacakutula muli aba mweo atemwa mwafwa; imwe mukesaisa nangu cibe fyo. **Ukufwa takwaba nangu cimo ku Mwinakristu. Ena tafwa nangu cibe fyo.** [3]

Lekeni tubelenge muli Yohane Washila 11:25-26:

“Yesu atile kuli wene, Nine kubuka, kabili umweo: uuntetekela, nangu afwa, akaba no mweo: na onse uuli no mweo kabili antetekela takafwe. Bushe watetekela ici?”

Ilyo₂ mwafwa, umubili wenu ulafwa. Ishiwi “imfwa” cipilibula “ukupatuka,” ukuba fye abapatulwa

ku batemwikwa benu. Lelo apa Ena asosele ici muli Yohane Washila 5:24, “Uyo uumfwa Icebo candi, no kutetekela muli uyo uwantumine, **nakwata umweo wa muyayaya**, kabili takese mubupingushi; lelo nafuma mumfwa naingila mu mweo.” [4]

Nomba, abantu abengi nga abantu ba Adventist bacetekela ukutila ilyo umuntu afwa aya fye mulya mwine mu nshishi kabili alekala mulya, umweo, umubili, ne fintu fyonse ifyashala, mpaka mu kubuka. Beta cilya ukusendama kwa mweo. Cisuma, cilya cili fye bwino. Cili fye bwino cikulu fye balicetekela Yesu Kristu kabili balifyalwa libili, cilya teti cibacene. Lelo nomba, ukulingana na Malembo, **ukutila ilyo muntu afwa, nga ena Mwinakristu, nga ena alifyalwa libili, uwaisushiwa na Mupashi wa Mushilo, ena takatale ukwiminina mu mabupingushi yakwa Lesa**. Mwamona? Ena aya fye kulya kwine mu Mulola wakwa Lesa. Kabili takatale ukuba mu bupingushi, pantu ena alikale... (*Abena Filipi 1:21-23; Abena Roma 8:1-2*).

Nshilingile ukwiminina pali filya ifyo Kristu ancitile ine. Nomba, nali umubembu, lelo ubupingushi bwakwa Kristu...Ici apa icintu conse mu mashiwi ayanono: Lesa atile, “Ubushiku mukalyako, bulya bushiku mukafwa (*Ukutendeka 2:15-17*). Cilya cali cipwishishe.

Nomba, Lesa alingile ukusunga Icebo Cakwe Ena teti acite cimbi kano ukusunga Icebo Cakwe, pantu Ena ni Lesa. Cisuma kanshi, Ena teti. Imwe muli abapatulwa kuli Lesa. Kabili lyena, imwe mwafyalilwe mu lubembu, uwapangwa mu mampulu, mwaishile pesonde ubepa ubufi (*Esaya 64:6*). **E ico ilyo mwafyalwa, imwe mulaba umubembu ku cifyalilwa**. E ico tapali nangu cimo mwisonde mwingacita palwa cena. **Tapali nangu cimo ico ningacita mwi sonde ukuipususha ne mwine atemwa³ imwe ukuipususha mwebene**. Ni cilya ico Lesa atucitile ifwe muli Kristu (*Abena Roma 3:23-26*).

Mwamona? Tacili, cisuma, nga cakutila ndetontonkanya ici atemwa nacita ici, **cili nga cakutila Ena alicitile cilya.**

Cisuma nomba, ifwe tuli muli Wene. Lyena Ena aliminine ubupingushi bwakwa Lesa; Ena asendele ubupingushi (*Esaya 63:2-6*). Kabili Wene, pakuba uwakaele ku lubembu, ukukanaishiba ulubembu, lelo alengelwe ulubembu pa mulandu wa ifwe... (*11 Abena Korinti 5:21*). **E ico ilyo lyonse muli muli Kristu, imwe muli bantungwa ku bupingushi.** “Ilyo nkamona Umulopa, nkamucilila” (*Ukufuma 12:13*). Mwamona, mwamona? Cilya e co. Umulopa, e umukakulula...

Nomba, umubembu alingile ukwiminina ubupingushi. Kabili takwakabe kano ubu bupingushi. Cili kwati icashinguluka atemwa umukola mfula ukushinguluka isonde ifya Mulopa wa kwa Kristu. Ilyo lyonse muli pano...Nga cakutila Lesa kuti alolekesha pe sonde mu mibele ya lyena muno bushiku **umusango umbi ukucila pa Mulopa wakwa Kristu. Ena kuti aonaula lyena mu kashita akanono. Ena kuti acita. Mucine Ena kuti acita.** Palya epo ubupingushi buleishila.

Nomba, ilyo lyonse ilyo umuntu ali pesamba apa, te mulandu nga cakutila umuntu ni cakolwa, kabili uwamangalo yabi, kabili ushatetekela uwabipisha, uluse lwa kwa Lesa nalyo line lula mukonsolwela. Kabili umwanakashi, wene kuti limbi ali, fyonse ifyo ena engaba, cilende atemwa icili conse, Umulopa wakwa Yesu Kristu nalyo line uula mukonsolwela. **Lelo miniti ilyo mweo wakwe wafuma muli uyu mubili kabili aya ukuciluka cilya, ena aciluka mu luse ukwingila mubupingushi. Lesa na mupingula kale.** Cilya cilepwishisha cena. Wene camupwila. Wene napingulwa.

Imwe mulaipingula mwebene umusango mucitilamo icikonsolwelo cakwa Lesa palya pa membu shenu (1Yohane 2:2). Imwe ta mupingula Wene mu bwingi fye uku mubelelo luse. Mwamona? Nga imwe muletontonkanya Ena ali no kumubelelo uluse, tumbuleni ifilubo fyenu, kabili Ena ali no ku mubelelo luse (1 Yohane 1:7-9).

Lyena ku Mupashi umo ifwe bonse tulabatishiwa mu mubili (1 Abena Korinti 12:13). Kabili nge fyo ulyo mubili wa bushiwe na Lesa, abukile ukufuma ku bafwa, ukulungamikwa, ukwikala ku kuboko Kwakwe ukwa kulyo mu maka na bumulopwe mu mulu, e ico balya abali abafwa muli Kristu, bali muli Kristu, **kabili bantungwa ku bupingushi**, kabili bakesaima mu kubuka (Ukusokolola 20:6; 1 Abena Korinti 15:51-54).

Nomba. Lelo **ilyo twafwa nomba, ifwe tuya fye mu Mulola wakwa Lesa Impalume mu mubili wa ku mulu**. Nga kuti nakumanya Munyina Neville ku mulu kulya, nga kuti ifwe bonse babili twingafwa nomba, muli ora ukufuma nomba kuti na mukumanya wene; kuti nasosa, “Umutende, munyina Neville,” ukulanda kuli wene.

Lolekesheni. Yesu aebele abasambi Bakwe, ukulya Umulalilo wabo, Ena atile, “Nshakalye nakabili icisabo ca mwanganshi mpaka nkalye na imwe no kunwa na imwe mu Bufumu bwakwa Tata” (Mateo 26:29). Bushe cilya cishinka? Mwamona? Cilya icili palya. Umuntu uwalungamikwa, ukwiminina mu Mulola wakwa Lesa, **alaya mu Mulola Wakwe ngo muntu ushingafwa kabili alekela mu ncende ishapalwa isha mutende** mpaka ubushiku ilyo Ena akesabwela (1 Abena Tesalonika 4:16).

Nomba, kwaliko ishita ilyo abantu tabaleya mu Mulola wakwa Lesa ilyo bafwile: abalungamikwa. Cilya cali mu ⁵Cipingo Cakale. Bena baleya mu ncende

iyaleitwa Paradise, kabili kulya imyeo ya balungama yalelolola mu Paradise (*Abena Efese 4:8-10*). Lelo Paradise yali incende umo Lesa alesunga imyeo nga mu calo caciloto. Mpaka ilyo Mulopa wakwa Yesu Kristu wasumishiwe; pantu umulopa wa ng'ombe shilume ne mbushi tekuti fifumyepo ulubembu; wene wafimbile fye ulubembu. **Lelo Umulopa wa kwa Yesu ulafumyapo ulubembu** (*Abena Efese 1:7; Yohane 1:29*).

Moneni ilyo Ena afwile pa Kalbale...Kabili pa kubwela Kwakwe, Ena aishile leta ukufuma mu nshinshi balya aba mushilo abafwile pe samba lya cikonsolwelo ca mulopa wa ng'ombe shilume, ne mbushi ne ng'ombe shikota. Kabili baliingile mu musumba no kumonekela ku bengi (*Mateo 27:51-53*). Ifyo caba icikope icaemba, owe, nga kuti twacilenga fye pakashita. Lolekesheni pali Yesu ilyo Ena afwile.

Pano, nge fyo lyonse nasosa, ndecetekela, mu lukuta muno, kuliko ngo kutantikwa pano; **umu mwikala ifibumbwa ififwa**. Kabili cila umo aba muli uku kufubana ukwa kusangalala, ukwafita ne mfifi. Abena kufwa bekala umu. **Nomba, bena nalimo balongolwa ukufuma uku lubali atemwa kuli lulya lubali**. Imwe teti mube pano icibumbwa ca bumupashi, umubembu atemwa uwa mushilo, **ukwabula ukongolwa ukufuma pesonde lyapesamba atemwa kwi sonde lya mu mulu** (*Esekiele 32:17-24*). Nga mulongolwa ukufuma uku, imwe mwafuma ku mulu, umubili wenu wa Ku mulu ulemilolela pa mulu apa. Lelo nga uuli mbifi, kabili bumbimunda, kabili uwafikansa, umubili wenu uwa mu mulu uuli pesamba apa, temulandu ifyo muletontonkanya uli ku mulu kulya; **pantu icisabo ico mutwala ku cinso ca bantu cilangisha uko mwafuma** (*Mateo 7:16*). E ico muli **pano ifyo muli ku cifulo cimbi. Ubumi ubo mwikala**

pano bulangisha fye ifyo icabupyani cenu cikaba nga mwafuma pano. Bushe muleumfwa?

Ifwe tuli ino ine nshita (owe, ilyo natontonkanya pali cilya)—ifwe tuli ino ine nshita abacindamikwa mu Mulola wakwa Lesa, abacetekela abafyalwa libili (*Abena Roma 8:28-30*). “*Pantu nge li hema lya panonse lyaonaika, natukwata limo kale ilelelela mu bukata*” (*11 Abena Korinti 5:1-4*), te ku ncende imbi, **kulya kwine ulelelela nomba.** Kabili iyi imibili ya panonse ilatetela kukufwikwa na ulyo uushifwa (*Abena Roma 8:22-23*). Bushe cilya cishinka? Amalwele, kabili ne fya kutitikisha, no kukalipwa, ne fyakupapushiwa, no kukalipwa kwa mutima, kabili...**Owe, ndi no kuba uwansansa ilyo ing’anda ya bulwele ikesalwa, bushe tamwakabe?** Eeh, mukwai. Ifwe kuti twaya ku mushi. Cilya cishinka.

Ifwe tulatetela ukufwikwa, Umupashi ukutetela. Owe, ilyo mwalolekesha konse ukukalipwa monse monse, konse ukufubana, ukununka, no lubembu, no kwikala kwa bena kufwa, no bucenjeshi, ne fintu fyonse, ndetontonkanya, “owe, Lesa, ninshita nshi cili nokuba?”

Bumo muli ishi nshiku ndi nokwisa shimikila imbila yandi yakulekelesha, nkesa bika panshi Baibele nge fi, no kuya ku mushi. Owe, ifyo ilya ikaba inshita! Kabili ilyo ili hema lya panonse lyapwishiwa pano, **tacakabe akashita akanono mpaka nkabe muli ilya imo kulya; efyo cikaba naimwe.** Owe, mwe.

Nomba, nikwisa kulya? Nililali tukwata wene? **Nomba.** “Balya abo alungamike, nakabili Ena alibacindamike” (*Abena Roma 8:30*). **Bushe mwaliishiba ukutula iyesu iyacindamikwa, umubili uwacindamikwa uulelelela mu Mulola wakwa Yesu Kristu ino ine nshita, ukulolela ifwe ukwisa?**

Bushe mwaliishiba ilyo akanya kafyalwa muli ili sonde, ilyo takalafyalwa, kena nakakwata ubumi. Lelo takalafyalwa. Kabili lilya line fye ilyo kalya akanya kafyalwa...Bapwapwa ba Kena bonse nabesalwa, kabili kantu kafwa. Utumishipe shipe twakako tuletutuma no kusunkana. Lelo icintu cakubalilapo, akalupi akanono atemwa tubili nga filya, kabili kali no kupema umupu wakako. Mulandunshi? Lilya line fye ilyo umubili wa cifyalilwa uulepangwa muli nyina, **kulaba umubili wacifyalilwa ukupokelela kena lilya line fye ilyo kalya akanya kafyalwa.**

Kabili uwashininkisha fye ilyo uyu mubili uwa bumupashi uulefyalwa, kulabako umubili uwa cifyalilwa ukulolela ukupokelela wene lilya line ilyo wafuma muli ili sonde. Mwamona? Ulubali lumbi, ukubwelela ku Edeni nakabili, ukubwelelamo fye.

Mulandunshi, imfwa, cilya cilafumyapo ulubola lonse ukufuma mufwa ulwabako. E mulandu wine Paulo kuti aiminina no kusosa, “We mfwa, ulubola lobe luli kwi? We nshinshi, ukucimfya kobe kuli kwi?” Atile, *“Ukutotela kube kuli Lesa uutupela ukucimfya ukupitila muli Shikulwifwe Yesu Kristu” (1 Abena Korinti 15:54-57).* Ee, mwe fibusa. Ili hema lya panonse nga lyaonaika natukwata kale limo ililelelela, e ico labeniko fye palwa cena.

Nomba, kuli iwe, we munandi, nga uuli mubembu we wacipusha ici, Lesa akwate uluse kuli iwe. Ee, mukwai. Iwe ta uli fye mukwebaulwa nomba, te kuno, iyo. Iwe ukalunduluka no kutwalilila. Kabili conse cilya ni mu luse lwa kwa Lesa. Fyonse kupitila mu luse lwa kwa Lesa mulelundulukila no kucita ico mulecita. Cilya cishinka. Lelo bumo muli ishi nshiku **ngoli mubembu kabili umweo obe waisafuma, bukaya kulya mu bupingushi kabili ukebaulwa. Kabili lyena ukutamfiwa, kabili ukaba mu kucushiwa mpaka bulyo bushiku bukesaletwa pano isonde nakabili (Yohane**

5:28-29). Kabili mukapokelela umubili uushifwa, umubili uushifwa uyo uushingafwa, kabili mukaposelwa mulya mu mfimfi uko kukaba ukulila, ne misowa, no kusumanya ameno (*Mateo 25:30*). Mukaposelwa ku gehena, uko akashishi takafwa kabili umulilo taushima (*Marko 9:43-44*), kabili mukalacula mu nshita shonse ishikesa. Yesu asosele cilya. Cilya cikope icafita, lelo ni cilya ico Baibele yasosa.

Nga cakutula Lesa aebawile nganshi ulubembu kabili kwali ukulipila umutengo wa filya, lelo ni filya efyo Baibele yasosa. Ilye mipashi ishalungama kuti yakakulwa nakabili? Ifwe nga twalikwete icintu cimbi nga cilya twakwete mu myaka amakana mutanda iyapitapo. Bushe cilya cishinka? Takwakabe ishuko nakabili.

Nomba, mwasosa, “Cisuma, ndecetekela ukutula ilyo mwaya ku nshishi mulaya ku gehena.” Umubili wenu uya ku gehena: cilya cishinka. **“Gehena” cipilibula “ukupatulwa.” “Imfwa” cipilibula “ukupatulwa.”** Umubili wenu ulafwa, uulapatulwa. Mulaya ukufuma ku batemwikwa benu pano, lelo cilya te co tulelandapo. “Calingilwa abantu ukufwa limo, elyo panuma ya cilya, ubupingushi.” (*Abahebere 9:27*).

E ico ilyo uwacetekela afwa, ena alaya mu Mulola wakwa Kalenga wakwe, Lesa wakwe. Kabili umubembu, ilyo afwa, alaya ku cifulo cakwe (*Amalumbo 9:17; Esekiele 31:12-17*). ^[1]

Nomba, ndelanda nomba ku basalwa. Lelo kuliko bamo abakesa mukubuka kwa cibili, abo abakeminina mu bupingushi pamo no mubembu ukupingulwa pamo nankwe. Ndefwaya ukuba uwashininkisha ukumfwa cilya (*Ukusokolola 20:4-6*).

Icakubalilapo icikacitika cikaba ukwisa kwakwa Nabwinda. Kukaba abantu mwisonde...Imwe kuti mwapusana panono ne ci, lelo umfwikisheni. **Pa**

mulandu fye mwalisumine Kristu nga Kapususha wenu, cilya tacilepilibula ukutila muleya mu kusendwa. Cilya ca kubasalwa, abo abakaya mu kusendwa. Kukaba abanono abakashala pano pesonde abo abakapita mu kupakaswa na mu bucushi bukalamba (*Ukusokolola 12:15-17; Ukusokolola 7:13-17*). Ulukuta lukolulwa mu kusendwa (*1 Abena Tesalonika 4:13-17*).

Mucine ilyo twafwa, nga tuli muli Kristu Yesu, tulaya no kuba na ulyo Mubili ukalamba kulya, Kristu Yesu. Nga tuli ba bembu, ifwe tulaya no kuba na ulyo mubili ukalamba wa bashacetekela; kabili Lesa atile iciputulwa cesu cali naba bumbimunda, ku gehena (*Ukusokolola 21:8*). Amen. [5]

Kutikeneni kuli “Malachi 4” ifyo asosa palwa fifulo:

Nomba, ilyo twaisa, tuleibukisha ukutila twikala pano mu fifulo fitatu. Cimo pali fyene caba **ulubuuto**, kabili cimbi caba **ifyakubomfya**. Nomba, ulubuuto, ifyakubomfya, ne **nshita**. Kabili amano yesu yasano yalekata filye fifulo. Amenso yesu yalamona ulubuuto, ukukumya kwesu kulekata ifyakubomfya, kabili na fimbipo.

Nomba, **lelo twalikhwata ukulashanya ukupitila muli science, icifulo ica cine**, ngefyo cali. Pa mulandu ukupita fye muli ici cikulwa nomba mulepita ifikope, amashiwi ya pa **mulabasa**, ifikope fya **television**, icakutila amano yesu yasano tayekasha filya, lelo nomba balikwata umupila wa krustali uyo usenda yalya amatamba ya ether no kufilangisha. E ico, mulemona, muno mwine fye mu cikulwa nomba muli imicitile ituntulu ya bantu mu mwela, amashiwi aya tuntulu. Yali muno. Ifwe natwishiba cena. Fyena fili mucine cine icishink₀. Kabili icintu fye ceka ico mucita, bena balacikasha...Nshiiluka imibombebele ya filya fintu ifyo

science ya panga, lelo twaliishiba cilashininkisha kuli ifwe kwaliba icifulo ica lenga cine.

Nomba, icifulo cacisano eko umubembu aya, ushacetekela alafwa no kuyako. Icifulo ca cisano cifulo ica kutinya.

Kabili ilyo Mwinakristu afwa, alaya mu cifulo calenga mutanda.

Kabili Lesa aba mu cifulo calenga cinelubali.

Nomba lyena, mulemona, Umwinakristu ilyo afwa, ena alaya pesamba lya cipailo cakwa Lesa, mulya mwine mu Mulola wakwa Lesa, pesamba lya cipailo. Kabili ena ali mukutusha.

Ukulondolola cena. Ilyo umuntu akwete iciloto cakutinya, ena talala mutulo, nangula ena alaba uwashibuka. Ena alaba pakati katula no kubuka, kabili cilya e cimulenga ukukwata ukututuma ukwabipa no kupunda, pa mulandu ena tali mutulo, ena tashibwike.

Kabili ukusenda cilya, cilangisha uko umuntu aya nga afwa ushapilibulwa. Ena alikala napwisha inshita yakwe; ena nafwa pesonde; kabili teti aye mu Mulola wakwa Lesa, pa mulandu ena tali uwalinga ukuya mulya **ukwabulo Mulopa.** Kabili ena naikatwa. Ena teti abwele pesonde, pa mulandu inshita yakwe naipwa pano pesonde, kabili naikatwa pakati, kabili ali mu ciloto cakutinya. Mwamona? Ena teti aye mu Mulola wakwa Lesa ukutusha. Ena teti abwele, ukwisa pesonde, pantu inshita yakwe yakumana. Ena ali mu ciloto icakutinya, **kabili palya alekala mpaka ubushiku bwabupingushi: icintu icakutinya ukubamo.** [6]

Mu nshita ya mfwa, nalyumfwa abantu ilyo baishibe ukutila balefwa, kabili ne fintu ifyo basungile ifyankama ubumi bwabo bonse, mu kupelelwa baleesha ukuyebelela cena. Mwamona? No kwesha, “Senden₁ ici...kabili...no kulungamika. Kabiye₁ni! ...Napapata. Kabiye₁ni...Kaciteni!” Mwamona?

Mukupelelwa. Balingile ukucita cilya kabeli, tekulolela mpaka inshita ya kupumikisha. “Bushe muli no kuncitila ifi-ne-fi ine?” **Icakupumikisha cilenga ukupelelwa ilyo tatulingile ukucita ukwabula icakupumikisha.** [7]

Nomba, te mulandu ifyo mwaba, umwanakashi, umwaume, umulumendo atemwa umukashana, fyonse fintu muli, Umwinakristu nangu nga tamuli Umwinakristu, Kapyunga, dikoni, fyonse ifyo mwaba, nga kuti mwacetekela fye no mutima wenu onse, pakashita fye, kabili citeni fye ici nganshi muno bushiku pakutla Lesa eshibe ukutla muli ba bufuma cumi.

Nomba, lolekesheni, ndi Pentecostal,” mwatila. “Ndi ici,” atemwa fyonse ifyo mwaba. “Ndasosa ndashanina mu Mupashi. Lelo, Munyina Branham, natontonkenye ilyo lyonse twakwete cilya, ifwe twalikwete Wene.” Imwe tamwakwata.

Nga mwalincetekela ine ukuba kasesema wakwa Lesa, imwe kutikeni ku Fyebo fyandi. **Bulya bucenjeshi muli buno bushiku. Bushe Baibele tayasosa cikaba icapalama nganshi kuti cabepa na Basalwa nga cabe cingacitwa?** (*Mateo 24:24*).

Nga mwalishanina mu Mupashi, nalyo line ne fintu ifya mwi sonde, kuliko icintu cimo icalubana. Imwe mulalandila mu ndimi; Paulo atile, “Kuti nalandila mu ndimi sha bantu na ba malaika, kabili nalyo line ukwabulo kupusuka” (*1 Abena Korinti 13:1-3; Mateo 7:21-23*). Uh-huh, imisango yonse. “Ine kuti nacita ifyakumfwa umfwa fyonse; ine kuti nakwata citetekelo; ine kuti nashimikila imbila nsuma; kuti napela ifipe fyandi fyonse ukulisha ababusu; kuti natwala Icebo mu mabala ya bu minshoni isonde lyonse, kabili nalyo line nshili kantu.” Mwamona? **Caba ni mukati mwa mukati, munyina. Umupashi wenu ulafumamo nga**

mwafwa; wene ulaya, lelo umweo wenu ulabapo (*Lukalamilandu 12:5-7*). [8]

E ico tulakwata imfwa ku butungulushi bwesu ukupitila muli Yesu Kristu, Uyo uwacimfishe imfwa, gehena, inshishi, ubulwele, amalanda, ne fintu fyonse ifyashala, acimfishe pali fyena (*11Timoti 1:9-10*). Kabili ifwe nomba twalibuka pamo Nankwe, ukwikala mu ncende sha mu myulu (*Abena Efese 2:4-6*), ukulandila muli bumupashi, muli Kristu Yesu ne fintu fyonse pe samba lya nkasa shesu. Nangula ukubuka ukwa ku mubili kuli pesamba lya nkasa shesu, **pa mulandu tuli muli Kristu**. Nomba, ukusunga fye cena mu mano yenu. Mwamona? Ifwe twalifuma mu mfwa ukwingila mu Mweo. Ku mubili, bumupashi, umusango onse, ne fintu fyonse, kabili **ifintu fyonse fyesu nomba** (*1 Abena Korinti 3:22-23*).

Imfwa taili nangu cimo; ifwe natukwata yena; yena yesu. Yena teti intungulule ine; **ntungulula yena**. Musangonshi? Ukupitila muli wene? Uyo uwanengele ukuba kacimfya, **pantu nalicimfya kale imfwa**. Musangonshi nacitilemo cena? Pakucetekela pali Wene. Mwamona? **Imfwa yaba mu lubembu, uku kanacetekela**. Ine nshili uushacetekela; ine ndi uwacetekela. Ine nalibushiwa kuli cilya cintu, uwabuka. Kabili cena e cikatilo ca fyonse ifya ku mubili wandi, ukubuka kwa bu mupashi, ifintu fyonse (*Abena Efese 1:13-14; 11 Abena Korinti 1:21-22*). [9]

Takuli icintu nacimbi ico icingacitika ku muntu uuli onse, icikalamba nganshi, **ngo kumupilibula ukufuma ku mfwa ukwisa ku Mweo** (*Yohane 5:24*). Umuntu, nga alefwa, ku mubili, kabili kuti aundapwa ku mubili, cilya kuti caba icintu icikalamba, **lelo takuli icikalamba nganshi nga filya ilyo ena ali uwafwa muli bumupashi** ¹³**kabili Lesa na muleta ku Mweo** (*Abena Efese 2:1-5*). [10]

Owe, mwe bantu, bushe na musungisha ukwa kwikala uku cinja icakufwala? Bushe na musungisha ukwa kwikala ku mulu? Ibukisheni, imwe mulingile uku sungisha libela. Imwe teti mwingilemo ukwabula kweni. Ndelanda kuli imwe mu lulimi lupya nombi, cilya mwaliishiba. Nga mwaya ku hotel no kusosa, “Cisuma, nalikwete...” Bushe mwali sungisha? Cisuma, munjeleleko, fyonse nafiisula.” Imwe muli panse apatalala, pa mulandu mwalifililwe ukusungisha. Kabili nga mwaisa ku mpela ya bulendo bwenu bwa bumi ukwabula ukusungisha, takwakabe nangu umo kulya uwakumukumanya. Imwe mukatampwila mu muyayaya umwafita uko kukaba ukubikilikisha, no kulila, no kulosha, no kusumanya ameni. Imwe mulingile; imwe teti mwingile mu musumba (*Ukusokolola 21:1-27*), pa mulandu tamukwete ukusungisha. Imwe mulingile ukukwata fyena ukwingila muli uyu musumba umo Yesu aya uku mupekanishisha ubwikalo. Ibukisheni, imwe mulingile ukusungisha na mufwala no mwingila we pusukilo. [2]

Umwakumona:

- [1] “Ukongola” (64-0215), par. 26-29
- [2] “Ifintu Ifili Nokubako” (65-1205), par. 22-24, 106-107
- [3] “Icikakatikilo Ca Mutanda” (63-0323), pg. 431
- [4] “Amepusho Na Masuko Pa Bahebere, Part 2” (57- 1002), Q-No. 61 COD-pg. 271
- [5] “Amepusho Na Masuko” (54-0103E), Q-No. 15, COD- 109-114, 119
- [6] “Apo Bukapyunga Bwandi Bufikile” (62-0908), par. 21- 25
- [7] “Ukupelelwa” (63-0901E), par. 46
- [8] “Ubutungulushi” (65-1207), par. 316-319
- [9] “Inshila ya kwa Kasesema uwa Cine” (63- 0119), pg.10
- [10] “Lesa Uyo Uwacindama Mu Luse” (65-0119), par. 37